

# Famiglia e chasada

La convivenza famigliara e chasana tutga tar ils temas fundamentals da l'istorgia sociala. Ella vegn tractada qua ord vista da la chasada. Uschia crodan davent las relaziuns cun la parentella che na viva betg sut il medem tetg. Percunter vegnan resguardadas er persunas betg parentas che vivevan mintgatant ensemen cun ina famiglia. Er per motivs da las funtaunas s'impona la chasada en il Grischun per examinaziuns istoricas. Spirituels catolics faschevan en lur vischnancas da temp en temp ina glista da persunas, ordinada tenor chasas u chasadas<sup>1</sup>, cun pliras indicaziuns: num, status da famiglia (sco p.ex. bab, consorta u figl), vegliadetgna, adempliment d'obligaziuns ecclesiasticas. Las glistas, redigidas per regla en latin, vegniván numnadas «status animarum» u «descripziuns da las olmas» e servivan oravant tut a la controlla tras la baselgia.

La descripziun da las olmas la pli veglia en il Grischun datescha da l'onn 1631 e deriva da Tarasp, da quel temp tgrà da chaputschins talians. Pauc pli tard èn vegnidas fatgas glistas sumegliant en bleras vischnancas dal Mesauc. Dal 18. tschientaner èn documentads tranter auter numerus «status animarum» da la Val Lumnezia. La segunda mesadad dal 19. tschientaner è questa tradiziun ida a perder. La glista la pli giuvna datescha da l'onn 1888. En 28.01 èn registradas las vischnancas,

en las qualas èn avant maun – tenor las enconuschientschas actualas – descripziuns da las olmas.

Sco exempel duai servir Lostallo en il Mesauc l'onn 1757. Sco che l'illustraziun 28.05 mussa, abitavan en l'emprima chasa Margarita Scerri da 65 onns cun ses figl Joannes Jacobus da 24 onns. Tuts dus avevan survegnì la communiun (c) e la craisma (ch). En la proxima chasa viveva Franciscus de Tomasij (55 onns) cun sia dunna Maria Dominica (48) e ses dus uffants Maria Antonia (18) e Joannes Antonius (7). En general resultan per Lostallo las suandantas datas: 28.02 La grondezza da las unitads variescha tranter chasadas d'ina persuna e chasadas cun nov persunas. Il pli frequent eran chasadas cun dus fin quatter persunas (mintgamai dudesch). La media era en quest lieu e per quel onn

28.06 Tavla eraldica da la famiglia Andreas Sprecher, Tavau 1634  
Scena da maisa aristocratica cun aforissem (sura) e nuns e vopnas (sut). Il mument che questa tavla è vegnida fatga eran otg da dudesch uffants gia morts.




28.05 «Status animarum» (descripziuns da las olmas) da Lostallo, 1757  
L'extract mussa las emprimas trais chasadas da la glista da Lostallo cun duas persunas en la chasa da Margarita Scerri, quatter persunas en la chasa da Franciscus de Tomasij e quatter persunas en la chasa da Regina Pizzetti.




28.01 Vischnancas cun «descripziuns da las olmas» en il Grischun, 1631–1888  
«Descripziuns da las olmas» infurmeschan davart las persunas che han vivì en ina chasada. Ellas èn documentadas per il 17. fin 19. tsch. en dapli che 30 vischnancas. Naginas da questas vischnancas n'era reformada, i sa tracta d'ina tradiziun catolica. Las glistas da chasadas servivan oravant tut a la controlla tras la baselgia.

Descripziuns da las olmas tenor vischnancas, 1600–1900  
1–2  
3–12



28.02 Dumber da chasadas tenor grondezza e composiziun da las famiglias a Lostallo, 1757  
La grondezza da las chasadas variava tranter ina e nov persunas. Il pli savens avevan chasadas duas e quatter persunas. En quest connex devi persunas che vivevan sulettas; chasadas cun fragliuns nubilis u cun autras persunas parentas u betg parentas (= nagina famiglia); conjugals u geniturs ed uffants (= famiglia simpla); famiglias classicas cun ulteriuras persunas parentadas (= famiglia extendida); plirs conjugals/geniturs parentads ed uffants (= pliras famiglias).





28 4,2 personas. La cumposiziun famigliara po vegnir caracterisada suandantamain. I deva: personas che vivevan sulettas; chasadas cun fragliuns nubils u cun autras personas parentas u betg parentas; conjugals u geniturs ed uffants, oz designà sco «famiglias classicas»; famiglias classicas cun ulteriuras personas parentadas; plirs conjugals u geniturs parentads ed uffants.<sup>2</sup>

En la glista da Lostalio figureschan il pli savens las famiglias classicas. I sa tracta però mo d'ina preschentaziun da la situaziun mumentana. Ina persona che viva suletta ha pudì maridar pli tard e far tras tut las differentas furmas descrittas qua. Cumpareglia cun autras regiuns datti en egl ch'i deva mo paucas chasadas cun pliras famiglias. In motiv per quai è la moda d'ereditad. Ils bains purils gievan per regla en parts relativamain egualas a tut ils figls sco er figlias, cun la differenza ch'els figls pudevan savens surpigliar la chasa. Quai ha punctuà las pretensiuns individualas dals uffants ed ha limità il potenzial da svilup da las chasadas. Fundamentalmain limità era quest potenzial pervia da las relaziuns da possess da purs pitschens predominantas en il Grischun. ► 29 Possess e facultad En regiuns cun blers purs gronds consistiva ina part considerabla da la populaziun da fantschellas e famegls. En il status animarum da Lostalio chattain nus percenter mo in unic «famulus».<sup>3</sup>

Las datas localas divergiavan en ina tscherta dimensiun. Uschia era la media da la grondezza d'ina chasada a Lostalio ed en il vitg vischin Leggia – tut tenor il mument – tranter 3,3 e 5,8 personas. La grafica 28.03 cumpiglia anc l'exempel da Tarasp, nua che las valurs variavan tranter 4,0 e 5,3. Er las autras glistas examinadas mussan divergenzas sumegliant. A chaschun da l'emprima dumbraziun federala da l'onn 1850 era la media en tut il Grischun 4,5. Ina midada che ha surpassà la variaziun da pli baud hai dà la segunda mesadad dal 20. tschientaner. L'onn 1960 è la media chantunala crudada per l'emprima giada sut 4,0 e tar ina registraziun da l'onn 2018 importava ella anc 2,1. In motiv per questa gronda diminuziun era il dumber d'uffants regressiv. ► 03 Populaziun Ultra da quai han giugà blers auters facturs demografics ed economics ina rolla.

Fin ils ultims decennis è questa midada sa sviluppada en il Grischun cun in lev retard en congual cun ils chantuns urbans da la Svizra.<sup>4</sup> Spezialmain svelto è però creschidas dapi l'onn 1970 las chasadas che na correspundevan betg pli ad ina famiglia classica: Chasadas d'ina persuna, pers senza uffants e chasadas d'in genitur cun uffants. 28.04 Quest svilup ha dà novs impuls a la debatta davart models da famiglia. La famiglia vegniva ussa savens numnada «pitga purtanta» da la societad. Il medem mument è però sa tschentada la dumonda, sch'i sa tractia d'in

«model antiquà». Discutadas èn vegnidas bleras dimensiuns da stretgas relaziuns socialas: lètg, sexualitad, repartiziun da las rollas, autoritad ed ierarchia tut tenor la schlattaina e la vegliadetgna.<sup>5</sup>

In model vegl vegn mussà sin ina tavla eraldica da la famiglia Andreas Sprecher a Tavau dal 17. tschientaner. 28.06 Ella mussa ina tavla da famiglia cun ils geniturs ed ina dunsaina d'uffants, en in urden tenor schlattaina e vegliadetgna. Suttastrigà vegn il caracter ideal e tipic dal fatg che blers da quests uffants eran gia morts il mument che quella tavla è vegnida fatga. ► 03 Populaziun Trais fotografias dal 20. tschientaner tempriv e tardiv mussan differents malets da famiglia. Il ferrer Moritz Caspar a Schmiten lascha fotografar sia famiglia davant la chasa, la famiglia Audétat da Cuira sa mussa ora en la libra natira. 28.07, 28.09 En la chasa Bärtsch a Furna demonstrescha la dunna, sco ch'ella fa en moda tradiziunala liongias da sang tar la batgaria da chasa («Husmetzg»). 28.08 La chapientscha da la rolla da «chasarina» sa rinforza dapi il 19. tschientaner. Ella maina ad ina tscherta professionalisaziun da las lavurs femininas betg pajadas en il tegnairechasa. Il medem mument è questa rolla vegnida sut squitsch da las dunnas, che han prendì en mira ina professiun en il spazi public, sco quai ch'ella era reservada l'emprim mo als umens.<sup>6</sup> Cleramain sa mussa quest svilup en il sector da la furmaziun. L'onn 1895 è vegnida fundada a Cuira la «Bündnerische Koch- und Haushaltungsschule», che aveva num a partir da l'onn 1918 «Scola da dunnas dal Grischun» e ch'è vegnida integrada ils onns 2003/4 en la «Scola auta da pedagogia dal Grischun».<sup>7</sup> Uschia è sa midada la denominaziun uffiziala da las instituziuns da tschertas activitads «femininas» da l'attribuziun a la schlattaina feminina a la neutralitad areguard ils genders.

1 Las noziuns «chasa» e «chasada» vegnivan duvradas quasi sco sinonims, cf. Mathieu 2020.  
2 La classificaziun suonda la tipologia da Hammel/Laslett 1974, p. 73–109, ch'è sa fatga valair internaziunalmain malgrà la critica giustifigada.  
3 Cf. Mathieu 1998, p. 131–139, 173.  
4 Media dal dumber da personas per chasada tenor chantuns (L'istorgia dal stadi federal, edì da l'Uffizi federal da statistica, infurmaziun online dals 18/09/1998).  
5 Widmer 2010.  
6 Fraubünden 2003–2008.  
7 Schmid 1995.

28.07  
**Famiglia Moritz Caspar da Schmiten, 20. tsch. tempriv**  
La fotografia betg datada dal 20. tsch. tempriv mussa la famiglia dal ferrer Moritz Caspar davant ses isch-chasa e betg en in studio, nua che personas bainstantas sa laschavan savens fotografar da quel temp. L'um è en pe.




28.08  
**Producziun da liongias a Furna, 20. tsch. tardiv**  
Batgaria da chasa («Husmetzg») tar la famiglia Bärtsch, er anc il 20. tsch. tardiv. La dunna da la chasa fa liongias da sang. Fotografia da Lisa Gensetter che s'interessava per lavurs «tradiziunals».



28.09  
**Spassegiada en famiglia sur Haldenstein, 1972**  
Da la fotografia dal 20. tsch. 28.07 tempriv sa differenziescha questa fotografia da l'onn 1972 cleramain: La famiglia sa preschenta cun dus uffants, ella va cun els en la natira per sa recrear; davant la camera sa preschenta ella en in arranschament luc e spontan.

28.03  
**Grondezza media da las chasadas, 1631–2020**  
Las chasadas avevan en la plipart da las vischnancas ina grondezza en media da 3,5 fin 5,5 personas. En tut il chantun è questa media restada fin l'onn 1950 en questa dimensiun, suenter è ella sa diminuida a la mesadad. In motiv per questa gronda diminuziun era il dumber d'uffants regressiv. Ultra da quai han giugà blers auters facturs demografics ed economics ina rolla.



28.04  
**Cumposiziun da las chasadas en il Grischun, 1970–2018**  
Dapi l'onn 1970 hai dà midadas marcantas en la cumposiziun chasana. Il dumber da chasadas cun pers ed uffants è restà pli u main il medem; chasadas d'ina persuna (blau), pers senza uffants (verd) e chasadas d'in genitur cun uffants (rosa cler) èn percenter s'augmentadas per 194–459%. Index 1970 = 100.

